

Updated contact info found in this email: ahmed imamovic ahmedimamovic@hotmail.com

update...

Poštovani gospodine Škrijelj,

S obzirom da se na Odluke Senata UNSA, te na Odluke Komisije o izboru u zvanja od strane ASU ne mogu podnositi žalbe te se u poruci o pravnom lijeku navodi da je jedina moguća mjera pokretanje upravnog spora pred Kantonalnim sudom u Sarajevu, odlučio sam prije ovakve mjere da vam se obratim prijateljskim pismom kao bivši student ASU i UNSA.

Po obavjesti od strane ASU Br:03-04/149. datirano 12.03.2019. sam obavješten da ne ispunjavam uvjete konkursa za izbor u nastavnika za oblast Režija, jer nisam dostavio dokaz o završenom drugom ciklusu studija ili ekvivalenciju ranije stečene akademske titule na UNSA. Podsjećam da je Senat Univerziteta u Sarajevu usvojio dana 03.06.2016. godine zaključak o diplomama stečenim prije bolonjskog procesa. Usvojen je Zaključak da studenti koji su završili stručni akademski studij u trajanju od četiri ili pet godina, ovisno o fakultetu, a koji su pohađali prije bolonjskog procesa, imaju diplome koje će od sada biti ekvivalent master studijama Drugog ciklusa studija po bolonjskom procesu. Na osnovu ovoga, ja s diplomom UNSA apliciram na konkurs UNSA, dakle ne izlazeći izvan okvira matičnog Univerziteta i matične Akademije, i zar u tom slučaju potvrda o ekvivalenciji (pri prijavljivanju na konkurs) nije nepotrebna, jer se, napominjem, ne radi o upis na npr. doktorske studije gdje bi se ekvivalencija naravno podrazumijevala, ali ovako ispada da su UNSA i ASU sami sebi svrha. Pokušao sam pronaći odgovor za ovo i u Statutu UNSA i u Zakonu o visokom obrazovanju KS, ali trud je bio bezuspješan.

Ono što sam uspio pronaći je niz nelogičnosti koji ukazuju na nepravilnosti u dosadašnjem radu komisija i odgovornih lica na ASU, te njihovom sprovođenju:

U slučaju prijedloga komisije za imenovanje gospodina **Danisa Tanovića** u zvanje redovni profesor, slijedeći biografske podatke stoji da je studirao u Belgiji na INSAS (Institut National Supérieur des Arts du Spectacle et des techniques de diffusion) u periodu od svog napuštanja Sarajeva 1995. godine, a da je diplomirao 1997. godine. Jasno ukazuje da se radi o dvogodišnjem predbolonjskom studiju, ali nije jasno kako je i koja je komisija ASU sprovela nostrifikaciju takve diplome na nivo četverogodišnjeg, a zatim takvoj nostrifikaciji uradila i ekvivalenciju stepena master (2=5 ?!). Dodajem da stoji i to da gospodin Tanović u svojoj prijavi nije predao originalnu diplomu, niti ovjerenu kopiju od strane zemlje u kojoj je izdata, već samo potvrde o nostrifikaciji i potvrdu o ekvivalenciji izdate od strane ASU UNSA, što je još jedan propust koji upada u oči.

U slučaju prijedloga komisije za imenovanje gospodina **Damira Šagolja** u zvanje docent, zapisnik o biografskim podacima donosi da je gospodin Šagolj apsolvirao na ETF Sarajevo odsjek automatika 1991. godine, a da je zvanje master umjetnosti stekao na prestižnom londonskom Univerzitetu. Nameću se dva pitanja: Kako je gospodin Šagolj koji je rođen 1971. godine već sa nepunih dvadeset godina postao apsolvant na petogodišnjem studiju automatike na ETF i znači li to da je elektrotehniku upisao sa petnaest godina? Drugo je pitanje na koje nema odgovora u biografskim podacima o kakvoj je to stečenoj diploma riječ prije sticanja zvanja master, ili se nekim čudom od predratnog apsolvanta automatike uz pomoć magije nastavlja i završava master studij umjetnosti.

Također, pitanje nostrifikacije i ekvivalencije diplome vanrednog profesora **Erola Zubčevića** koji je, kako se navodi u njegovoj biografiji, završio visoke škole kamere (Hochschule für Fernsehen und Film München (HFF Minhen)). Vrsta i opis školovanja ukazuje na "Strukovnu školu" kakve neosporno postoje u inozemstvu, ali je pitanje kako se izjednačavaju sa fakultetima i akademijama.

Isto tako, neki od ovih kadrova na ASU koji imaju respektabilna zvanja i primaju redovne plate iz Budžeta KS mjesecima se ne pojavljuju na predavanjima (jer imaju druge angažmane), a studenti uglavnom bivaju prepušteni asistentima.

Postavlja se još jedno pitanje, da li je sav nastavnički kadar ASU obavio ekvivalencije i zašto pojedini vanredni profesori ASU sada studiraju drugi ciklus na svojim odsjecima na kojima su predavači sa zvanjem?

Poštovani, nadam se da ćete sprovesti objektivnu internu reviziju ovoga što sam naveo u ovom pismu i ukloniti nepravilnosti i zaštititi ugled Univerziteta.

Nadam se vašem brzom odgovoru.

S poštovanjem,

Ahmed Imamović